

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 16-aprel, chorshanba № 29 (15771)



Рустам Назарматов олган суратлар

Ўзбекистон Республикаси Президентининг ҚАРОРИ

ТАДБИРКОРЛИК ФАОЛИЯТИНИ АМАЛГА ОШИРИШ ВА ДАВЛАТ ХИЗМАТЛАРИНИ КЎРСАТИШ БИЛАН БОҒЛИҚ ТАРТИБОТЛАРНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Ўзбекистон Республикаси Президентининг «Ўзбекистон Республикасида инвестиция иқлими ва ишбилармонлик муҳитини янада такомиллаштиришга доир қўшимча чора-тадбирлар тўғрисида»ги 2014 йил 7 апрелдаги ПФ-4609-сонли Фармонида мувофиқ ҳамда лицензиялашни ва рухсат этиш характерига эга ҳужжатларни бериш механизмларини янада соддалаштириш ва арзонлаштириш, шунингдек, тадбиркорликка кўпроқ эркинлик бериш мақсадида:

1. Ўзбекистон Республикаси Иқтисодиёт вазирлиги, Адлия вазирлиги, Молия вазирлиги, Хусусийлаштириш, монополиядан чиқариш ва рақобатни ривожлантириш давлат қўмитаси, Алоқа, ахборотлаштириш ва телекоммуникация технологиялари давлат қўмитаси, Савдо-саноат па-

латаси, бошқа манфаатдор вазирлик ва идораларнинг:

2014 йил 1 июндан бошлаб, тадбиркорлик фаолияти соҳасидаги лицензияланган фаолиятнинг ва рухсат этиш характерига эга ҳужжатларнинг алоҳида турларини 1- ва 1-а иловаларга мувофиқ бекор қилиш;

фаолиятнинг лицензияланган турларини ва рухсат этиш характерига эга тартиботларни расмийлаштиришнинг муддатлари ва йиғимлари миқдорларини 2- ва 3-иловаларга мувофиқ қисқартириш;

рухсат этиш характерига эга ҳужжатларни ва лицензияларни олиш тартиботларини янада қисқартириш ва соддалаштириш тўғрисидаги таклифлари 4-иловага мувофиқ қабул қилинсин.

2. Ўзбекистон Республикаси Вазирлар Маҳкамаси лицензия ва рухсат

этиш характерига эга ҳужжатларни бериш бўйича ваколатли органлар, Ўзбекистон Республикаси Иқтисодиёт вазирлиги, Адлия вазирлиги, Алоқа, ахборотлаштириш ва телекоммуникация технологиялари давлат қўмитаси билан биргаликда:

2015 йил 1 январгача бўлган муддатда фаолиятнинг айрим турларини лицензиялашда «бир дарча» тамойилини қонун ҳужжатлари даражасида жорий этишни 5-иловага мувофиқ таъминласин;

тадбиркорлик субъектлари томонидан лицензия келишувлари шартларини бажариш бўйича даврий ҳисоботларни электрон шаклда тақдим этиб бориш учун дастурий маҳсулотларни ишлаб чиқиш ва жорий этишни 2014 йилнинг охиригача тамомласин.

(Давоми 2-саҳифада)

Navqiron avlod so'zi

ТОМИРИМДА ЎМАРИСЛАР ҚОНИ ОҚАДИ!



Ўзбекистон дея аталмиш шу жаннатмонанд юртнинг фарзанди — биз, ёшлар бахтиёр авлодмиз. Чунки энг кичик қадамларимиздан то улкан муваффақиятларимизгача доимо бизни суяб, қанот бўладиган Ватанимиз бор.

Мамлакатимизда мухтарам Президентимиз Ислоҳ Каримов раҳнамолигида болалар спортини ривожлантириш, айниқса, қизларни жисмоний тарбия билан шуғулланишга кенг жалб этиш борасида қатор ислохотлар амалга оширилди. Бунинг натижасида бугун мен каби кўплаб ёшлар дунё спорт ареналарида юқори шохсупаларга кўтарилмоқда. Нафақат шаҳар ва туман марказларида, деярли ҳар бир маҳаллада замонавий болалар спорт мажмуалари фаолият юритмоқда.

Мен ҳам ана шундай барча қулайликларга эга Бухоро туманидаги «Кўчкўмар» маҳалласида жойлашган спорт мажмуасида таэквондо билан мунтазам шуғулланиб келаман. Мураббийим — вилоят таэквондо федерацияси раҳбари Убайдулла Мукаррамов.

Кичик ғалаба ҳам инсонни улкан марралар сари руҳлантира олганидек, вилоят миқёсида ўтказилган мусобақаларда кетма-кет ютуқларни қўлга киритар эканман, олдимга катта мақсадлар кўя бошладим. Мана шу мақсадларим йўлида қилган тинимсиз меҳнатларим ўз самарасини берди. 2010 йилда таэквондонинг ITF йўналишида республика чемпионатида иккинчи, 2011 йилда биринчи ўринни қўлга киритдим. Шундан сўнг чет давлатларда ўтказиладиган мусобақаларга чиқиш учун ўз устимда кўпроқ ишлашга ҳаракат қилдим ва бунинг натижасида 2012 йилда ўтказилган Осиё чемпионатида 40 килограмм вазн тоифасида иккинчи ўринга сазовор бўлдим. Ўтган йили

вилоятимизда ўтказилган халқаро турнирда ўз вазн тоифам бўйича ғолиб бўлганим профессионал спорт томон қўйилган яна бир қадам бўлди.

Спорт ҳаётимда туб бурилиш ясади. Бошланғич синфларда бироз паст ўзлаштирувчи болалар сафида турган бўлсам, кейинчалик бу ҳолат ижобий томонга ўзгарди. Биология ва ҳуқуқшунослик фанлари бўйича билимлар беллашувининг мактаб, туман ва вилоят босқичларида муваффақиятли иштирок этдим.

Эндигина ўн етти баҳорни қаршилаган бўлишимга қарамай, Ватаним равнақи йўлидаги ҳаракатларим юқори эътироф этилди. Жорий йилда мен Президентимиз қарорига кўра Зулфия номидаги Давлат мукофоти билан тақдирландим.

Мураббийим «Моҳинур, сен Тўмарисдек жасур момоларимизнинг авлодисан. Томирингда уларнинг қони бор экан, Олимпиада ўйинларида ҳам олтин медаль соҳибасига айланиб, мамлакатимиз номини дунёга таратишига ишонаман» — деб айтган сўзлари менга далда бўлмоқда.

Юртимизда мен каби куч-ғайрати жўшган, юраги она Ватан ишқи билан ёниб турган ва орзу-ниятлари осмон қадар юксак ёшлар талайгина. Бизларга билдирилаётган ишонч эса бунданда юксакроқ. У бизни янги вазифаларга элтувчи қанот бўлмоқда.

Моҳинур НАМОЗОВА,
Зулфия номидаги Давлат мукофоти соҳибаси

Ўзбекистон Республикаси Президентининг ҚАРОРИ

ТАДБИРКОРЛИК ФАОЛИЯТИНИ АМАЛГА ОШИРИШ ВА ДАВЛАТ ХИЗМАТЛАРИНИ КЎРСАТИШ БИЛАН БОҒЛИҚ ТАРТИБОТЛАРНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

(Давоми, аввали
1-саҳифада)

3. Интерактив давлат хизматлари ягона портали орқали тадбиркорлик субъектлари учун устувор интерактив хизматларни жорий этиш бўйича лойиҳалар рўйхати 6-иловага мувофиқ тасдиқлансин.

Ўзбекистон Республикаси Алоқа, ахборотлаштириш ва телекоммуникация технологиялари давлат қўмитаси қўйидагиларни таъминласин:

фаолиятнинг лицензияланган турларини ва рухсат этиш тартибларини расмийлаштиришни электрон шаклга ўтказиш, шунингдек, давлат органларининг тадбиркорлик субъектлари билан ўзаро электрон ҳамкорлигини жорий этиш самардорлигини баҳолаш бўйича чора-тадбирларни амалга ошириш юзасидан ишларни мувофиқлаштириш ва тизимли мониторинг қилиш;

Ўзбекистон Республикаси Марказий банки,

«Ўзкоммунхизмат» агентлиги, манфаатдор вазирлик ва идоралар билан биргаликда 2014 йилнинг охиригача Коммунал хўжалик ва уй-жой фонди порталини электрон тўлов тизимлари ва коммунал хизматларнинг биллинг тизимлари билан бирлаштириш йўли орқали мазкур портални такомиллаштириш бўйича аниқ чора-тадбирларни амалга ошириш, бунда тадбиркорлик субъектларига ахборот-коммуникация технологияларидан фойдаланган ҳолда, реал вақт режимда ўзаро ҳисобкитоблар ҳолати тўғрисида хабар бериш бўйича хизматлар кўрсатиш имкониятларини назарда тутиш;

манфаатдор вазирликлар, идоралар, хўжалик бирлашмалари ва тадбиркорлик субъектларига 2013-2020 йиллар даврида Ўзбекистон Республикасининг Миллий ахборот-коммуникация тизимини ривожлантиришнинг комплекс дастури доирасида ишлаб чиқилаётган ахборот тизимларидан бепул

фойдаланиш имкониятини яратиш.

4. Ўзбекистон Республикаси Вазирлар Маҳкамаси Алоқа, ахборотлаштириш ва телекоммуникация технологиялари давлат қўмитаси, бошқа манфаатдор вазирликлар, давлат қўмиталари, идоралар ва ташкилотлар билан биргаликда 2014 йил 1 октябрдан бошлаб, Ўзбекистон Республикасининг Интерактив давлат хизматлари ягона порталида қўйидагиларни амалга ошириш имконини берадиган махсус «тадбиркорлик субъектининг кабинети» ишлашини таъминласин:

молия, солиқ, статистика ва бошқа турдаги ҳисоботларни интерактив расмийлаштириш ва тақдим этиш;

солиқ ва бошқа мажбурий тўловларни, коммунал тўловларни, лицензия ва рухсат этиш характерига эга ҳужжатлар бўйича кўриб чиқишда ва уларни олишда тўланадиган йиғимларни ва давлат божларини Интернет-банкнинг тизими орқали тўлаш;

маълумотномалар олиш ва бошқа интерактив давлат хизматларидан фойдаланиш.

5. 2014 йил 1 июндан бошлаб, тадбиркорлик субъектларига «бир дарча» тамойили бўйича электрон шаклда қўйидаги жараёнларни амалга ошириш ҳуқуқини берадиган тартиб ўрнатилсин:

тадбиркорлик субъектларининг уларни Маҳаллийлаштириш дастурига киритишга доир талабномаларини кўриб чиқиш учун Ўзбекистон Республикаси Молия вазирлигига, Ташқи иқтисодий алоқалар, инвестициялар ва савдо вазирлигига, Хусусийлаштириш, монополиядан чиқариш ва рақобатни ривожлантириш давлат қўмитасига тақдим этиш;

миллий валютада бир йилгача бўлган муддатга кредит олишга доир ҳужжатларни хизмат кўрсатувчи тижорат банкларига тақдим этиш.

6. Ўзбекистон Республикаси Вазирлар Маҳкамасининг комплекслари раҳбарлари:

Ўзбекистон Республикаси Бош прокуратураси, Адлия вазирлиги билан биргаликда тадбиркорлик субъектларининг молия-хўжалик фаолиятига ноқонуний аралашуш, шунингдек, давлат хизматларини кўрсатишда ортиқча қоғозбозликка йўл қўйиш ҳолатлари учун давлат ва хўжалик бошқаруви органларининг мансабдор шахсларига нисбатан маъмурий жавобгарлик чораларини кучайтиришни назарда тутган ҳолда қонун ҳужжатларига ўзгартиш ва қўшимчалар киритиш бўйича таклифларни икки ой муддатда белгиланган тартибда киритсин;

Ўзбекистон Республикаси Иқтисодиёт вазирлиги, Молия вазирлиги, Алоқа, ахборотлаштириш ва телекоммуникация технологиялари давлат қўмитаси, бошқа манфаатдор вазирлик ва идоралар билан бирга-

ликда мамлакатимизда янада қулай ишбилармонлик муҳитини яратиш бўйича қабул қилинаётган меъёрий-ҳуқуқий ҳужжатларни кенг ёритиш юзасидан ҳар бир ҳудудда тадбирлар ўтказсин.

7. Иқтисодиёт вазирлиги Адлия вазирлиги ва бошқа манфаатдор вазирликлар, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда рухсат этиш характерига эга ҳужжатлар ва лицензияларни бериш тартибларини белгилайдиган меъёрий-ҳуқуқий ҳужжатларга 2014 йил 1 июнгача тегишли ўзгартишлар киритсин.

8. Мазкур қарорнинг ижросини назорат қилиш Ўзбекистон Республикасининг Бош вазири Ш.М.Мирзиёев зиммасига юклансин.

Ўзбекистон Республикаси
Президенти

И.КАРИМОВ

Тошкент шаҳри,
2014 йил 15 апрель

«Kamalak» bilimdonlari

ЗУККО, ТОПҚИР ВА БИЛГИР БОЛАЛАР

Ўтган ҳафта «Камалак» билимдонлари танловининг вилоят босқичлари бўлиб ўтди. Танлов жараёни, унда юз берган эътиборли ҳолатлар ва натижалар тўғрисида мухбирларимиз хабар беради.



БУХОРО.

Бухоро шаҳридаги 1-музыка ва санъат мактабида «Камалак» билимдонлари танловининг вилоят босқичи ўтказилди. Ун уч жамоа иштирокидаги мазкур кўрик-танлов тўрт шарт асосида ташкил этилди.

Тақдимот деб номланган биринчи шартда жамоалар ўзларини таништириш жараёнида фаолиятга доир альбом ва кўргазмалар, кўкрак нишони ҳамда атрибутларини намойиш этишди. Бунда Когон шаҳрининг «Шумтакалар», Фиждудон туманининг «Камалак» билимдонлари, Қоровулбозорнинг «Бахтли болалик» жамоалари чиқишларини ҳакамлар юқори баҳолашди.

Кейинги — саҳна кўриниш шарти кизгин кечди. Унда Бухоро шаҳрининг «Баркамол авлод», Шофирконнинг «Камалак» юлдузлари, Когон туманининг «Камалак» томчилари жамоалари юқори баҳога лойиқ кўрилди.

«Савол-жавоб» шarti ҳам эътиборли бўлди. Чунки бу шартда барча жамоалар ўз билимларини тўла намойиш эта олдилар. Сўнгги «Ижтимоий лойиҳа» шartiда жамоалар «Ҳар кунинг мазмунли ўтсин», «Истеъдод» кўрик-танлови, «Бола-оила-спорт» каби лойиҳаларини тақдим этишди.

Қизиқарли ва кўтаринки руҳда ўтган «Камалак» билимдонлари танловининг вилоят босқичида Когон шаҳрининг «Шумтакалар» жамоаси биринчи ўринни қўлга киритиб, танловнинг республика босқичида иштирок этиш имкониятига эга бўлди. Иккинчи ўрин Бухоро шаҳрининг «Баркамол авлод» жамоасига насиб этган бўлса, учинчи ўринга Когон туманининг «Камалак» томчилари жамоаси муносиб топилди.

Лайло ХАЙИТОВА,
«Turkiston» мухбири

ТОШКЕНТ ШАҲРИ. Танловнинг маҳаллий босқичларида сараланган жамоалар 12 апрель куни Тошкент шаҳар босқичида ўз билимларини намойиш қилишди. Тошкент шаҳар туманлари жамоалари тўртта — тақдимот, саҳна кўриниши, савол-жавоб, ижтимоий лавҳа шартлари асосида беллашди.

Қизгин ўтган танлов якунига кўра, учинчи ўринни Яккасарой, Юнусобод, Сергели туманлари жамоалари эгаллади. Иккинчи ўрин Чилонзор, Ҳамза, Бектемир туманлари жамоаларига насиб этган бўлса, биринчи ўринга Мирзо Улуғбек, Миробод, Шайхонтоҳур туманлари жамоалари муносиб топилди. Эндиликда мазкур учта биринчи ўрин соҳиби бўлган жамоалар ўзаро куч синашади. Шундан сўнг ғолиб гуруҳ республика босқичига йўлланма олади.

— Тадбир давомиди жуда кўплаб қутилмаган совғалар бўлди, бундан хурсандимиз, — дейди танлов иштирокчиси, Шайхонтоҳур туманининг «Соғлом авлод» жамоаси вакили Дилбар Ҳикматуллаева. — Кўп дўстлар орттирдим. Билмаганларимни ўргандим. Гуруҳимиз бугун биринчи ўринга муносиб топилгандан қувончим чексиз.

Тадибир сўнггида ғолиб жамоалар фахрий ёрлик ва эсдалик совғалар билан тақдирланишди.

Шаҳло АБДУҚАЮМОВА,
ЎзДЖТУ талабаси

Шавкат КАРОМОВ,
«Turkiston» мухбири



ХОРАЗМ. Хонқа кинотеатрида «Камалак» билимдонлари кўрик-танловининг Хоразм вилояти босқичи бўлиб ўтди. Лойиҳа Ҳаракатнинг вилоят кенгаши томонидан ташкил этилди. Унда ҳар бир тумандан биттадан — жами ўн битта мактаб жамоаси иштирок этди.

Ўқувчилар тўртта шарт бўйича беллашди. Танлов якунида Янгибозор туманидаги 5-мактабнинг «Баркамол авлод» жамоаси 3-ўринни, Урганч шаҳридаги 13-мактабнинг «Камалак қанотлари» жамоаси 2-ўринни қўлга киритди. Урганч туманидаги 38-мактабнинг «Соғлом авлод — юрт бойлиги» жамоаси эса мулоқ ғолиб деб топилди. Мазкур жамоа вакиллари танловнинг республика босқичига йўлланма олди.

Наргиза БАҲОДИРОВА

КАТТА ЭКРАННИНГ ДОЛЗАРБ МУАММОЛАРИ

Шу йилнинг 28—30 апрель кунлари «Камолот» ёшлар ижтимоий ҳаракати томонидан юртимизда илк мартаба «Кино ва ёшлар» мавзуда ёш киноижодкорлар форуми ўтказилади. Мазкур лойиҳа ўзбек киносининг бугунги ҳолати ва савияси юзасидан жамоатчилик фикрини уйғотиш, соҳа мутасаддилари ва иждоқорларнинг яратилган киноасарлар учун ижтимоий масъулиятини ошириш, бу борадаги муаммоларни ёшлар иштирокида муҳокама этиб, таклифлар олишга қаратилган.

Республикамизда ҳар йили юзга яқин тўлиқ метражли фильм суратга олинади. Улар асосан хусусий киностудияларнинг маҳсулотидир. Ўз навбатида, кино яратаётган иждоқорларнинг аксарияти 35 ёшгача бўлган ёшлар. Томошабинларнинг 70 фоизи эса 14-25 яшар йигит-қизлардан иборат. Демак, бугунги кунда киноэкранларимизда қайси мавзу ёки жанрдаги фильм намойиш этилмасин, уни, аввало, ёшлар кўриб, маънавий озуқа олади. Кино нафақат санъат, балки мафкурага ҳам дахлдор соҳа эканини унутмаслик керак. Сир эмаски, мафкуравий кураш ва зиддиятларга рўбарў келган замонавий дунёда айрим кучлар айнан кино воситасида бошқа мамлакатларга ўз тартиб ва қарашларини сингдиришга ҳаракат қиляпти. Бундай шароитда миллий киноиндустрияни ривожлантириш, ички талабни бадий ва технологик савияси юқори, давр билан ҳамнафас янги, гоёвий жиҳатдан пишиқ фильмлар ҳисобидан қондириш долзарб масала ҳисобланади.

Айни вақтда ёш киноижодкорлар республика форуми олдидан «Камолот» ЁИХ юқоридаги масала юзасидан ёшларнинг фикрини ўрганишда барча таълим муассасаларида ҳамда www.kamolot.uz сайти орқали ижтимоий сўровлар ўтказиляпти. Қолаверса, жойларда кинорежиссёр ва актёрлар, киношунос ва кинотанқидчилар

иштирокида учрашувлар ҳам бўлиб ўтмоқда. Яқинда Ҳаракатнинг Марказий Кенгаши ташаббуси билан Тошкент темир йўл муҳандислари институтида форум мавзуси доирасида видеоконференция ташкил этилди.

Тадбирга адабиётшунос олим, «Жаҳон адабиёти» журнаlining бош муҳаррири Шухрат Ризаев, кинорежиссёр, Ўзбекистонда хизмат кўрсатган санъат арбоби Зулфиқор Мусоқов, актёрлар — Лола Элтоева, Мухаммадиси Абдулхайров, Асал Шодиева таклиф этилди. Улар ҳозирги ўзбек киносининг ютуқ ва камчиликлари, киносаноатни ривожлантириш учун давлат томонидан кўрсатилаётган амалий ёрдам, савиясиз фильмлар ва бошқа кўплаб оғриқли масалалар хусусида фикр-мулоҳаза юритишди. Видеоконференцияга бир вақтнинг ўзида барча олий таълим муассасалари масофадан уланиб, талабалар киноижодкорларга ўз савол ва таклифларини бера олдилар.

Кўпгина саволлардан ёшлар кинодаги бир хиллик — фильмларнинг бир хил мавзудалиги ва уларда ҳадеб бир хил қиёфалар намён бўлишидан қониқмаётгани аён бўлди. Хусусан, охириги йилларда киноэкранлардан тушмай қолган актёр Мухаммадиси Абдулхайров бунга жавобан шундай деди:

— Шахсан ўзим ҳеч қачон сценарий танламайман. Ва бирор марта режиссёр ёки продюсер-



Республикамизда ҳар йили юзга яқин тўлиқ метражли фильм суратга олинади. Улар асосан хусусий киностудияларнинг маҳсулотидир. Ўз навбатида, кино яратаётган иждоқорларнинг аксарияти 35 ёшгача бўлган ёшлар. Томошабинларнинг 70 фоизи эса 14-25 яшар йигит-қизлардан иборат.

га менга роль беришини сўраб илтимос ҳам қилган эмасман. Ўйлашимча, профессионал, ўз устида кўп ишлайдиган, меҳнаткаш актёрга талаб доимо юқори бўлади. Фильмнинг муваффақиятини фақат яхши сценарий белгилайди, деган фикрга қўшилмайман. Актёрга ҳам кўп нарса боғлиқ, Борди-ю, иждоий жамоа ҳаваскорлардан иборат бўлса, энг зўр сценарийдан ҳам жўяли фильм чиқмаслиги мумкин.

Кинодаги профессионализм ҳақида режиссёр Зулфиқор Мусоқов ҳам ўз сўзини айтди.

— Охириги пайтда соҳамизда уста кўрмаган шоғирлар кўпайиб кетди, — деди у талабалардан бирининг бир мартагина кўришга арзиғулик фильмлар ҳақидаги саволига жавоб берар экан. — Умуман олганда, фильмларимиз-

тина улкан меҳнат, машаққат маҳсули. Кимдир гоёғизни шундайгина ўғирлаб қўйса-ю, бунга қарши мутасаддилар тегишли чора кўрмаётганидан қаттиқ ҳавотирдаман. Ушбу ҳолатларга чек қўйиш керак.

Урганч ва Термиз давлат университетлари талабалари нега буюк аждодларимиз, тарихимизнинг шонли саҳифалари ҳақида кучли бадий фильмлар яратилмаётгани билан қизиқдилар. Уринли эътирозга Шухрат Ризаевнинг жавоби қуйидагича бўлди:

— Тарихий фильм олиш ниҳоятда мураккаб жараён. У нафақат иждоий нуқтаи назардан, ташкилий жиҳатдан ҳам юқори тайёргарликни талаб қилади. Албатта, бундай фильмларнинг бюджети ҳам ниҳоятда катта бўлиши керак. Улар ўнлаб йиллар давомида яратилади. Зеро, киноасарда маълум тарихий даврни тиклаш, аниқлик билан гавдалантириш осон эмас. Ўз навбатида, бу билан уста иждоқорлар шуғулланиши даркор. Бизда тарихий фильмларни яратишга уринишлар бўлди. 90-йиллар бошида Амир Темур ҳақида, 1997 йилда «Ўткан кунлар» фильмини

қайтадан суратга олишга ҳаракат қилинди. Афсуски, бу ишга катта истеъдодлар киришмагани тўғрисида, юқоридаги картиналар муваффақият қозонмади. Мана шундай ачиқ тажрибадан тўғри хулоса чиқаришимиз керак, деб ўйлайман.

Видеоконференция давомида ёшлар яхши фильмлар учун сценарийлар ёзишга ёш драматургларни жалб қилиш, улар ўртасида танловлар ташкил этиш, сценарийнависларни тайёрлаш тизимини такомиллаштириш, кинодаги замонамиз қаҳрамони қандай бўлиши кераклиги, болалар учун мўлжалланган фильм ва сериалларни яратиш, кинодаги савиясизлик билан курашишда кинотанқидчиларнинг масъулияти каби мавзуларда ҳам мулоҳаза юритишди.

Наргиза УМАРОВА,
«Turkiston» муҳбири.
Рустам Назарматов
олган суратлар.

Қарши шаҳридаги «Динамо» ўйингоҳида «Ёш чегарачилар» ҳарбий-ватанпарварлик мусобақасининг вилоят босқичи бўлиб ўтди.

«ХУМО»НИНГ ЮКСАК ПАРВОЗИ

Мусобақа «Камолот» ЁИХ Қашқадарё вилояти кенгаши, ўрта махсус, касб-хунар таълими бошқармаси, касаба уюшмалари бирлашмаси, Мудофаага қўмаклашувчи «Ватанпарвар» ташкилоти ҳамкорлигида ташкил этилди. Унда Деҳқонобод, Нишон, Китоб, Ғузур, Шаҳрисабз туманларидаги чегараолди худдудда жойлашган ўрта махсус, касб-хунар таълими муассасалари жамоалари иштирок этди.

Иштирокчилар ўн еттита шарт бўйича беллашди. Мусобақа натижаларига кўра, 1-ўринни Нишон қурилиш коллежининг «Хумо», 2-ўринни Шаҳрисабз агросаноат коллежининг «Бургут», 3-ўринни Қарши муҳандислик-иқтисодий институтини қошидаги Китоб туманидаги 3-академик лицейнинг «Лочинлар» жамоалари қўлга киритди.

Ғолибларга фахрий ёрлик ва эсдалик совғалар топширилди.

Шавкат КАРОМОВ,
«Turkiston» муҳбири

Harbiy vatanparvarlik

КУЧ ВА БИЛИМ СИНОВИ

Гулистон шаҳридаги ҳарбий қисмда «Камолот» ЁИХ Сирдарё вилояти кенгаши, «Маҳалла» хайрия жамоат фонди, Касаба уюшмалари ташкилотлари бирлашмаси, маданият ва спорт ишлари, ўрта махсус касб-хунар таълими бошқармалари ҳамкорлигида «Ёш чегарачилар» ҳарбий-ватанпарварлик мусобақасининг вилоят босқичи ўтказилди. Унда икки юз нафардан зиёд ўқувчи қатнашди.

Мусобақа иштирокчилари автоматни қисмларга ажратиш ва йиғиш, бир километрга югуриш, турникда тортиш, граната улоқтириш каби топшириқларни бажариш орқали таълим муассасасида бошланғич ҳарбий тайёргарлик юзасидан маҳоратини синовдан ўтказган бўлса, сиёсий-ҳуқуқий билимдонлик шартида Ватанимиз тарихи, ҳарбий соҳадаги маъёрий-ҳуқуқий ҳужжатлар, ҳарбий интизом, аскарлик мажбуриятлари, ҳарбий бурчга доир билимларини намойиш этишди.

Мусобақа натижасига кўра, 1-ўринни Ширин шаҳридан «Бургутлар», 2-ўринни Ховос туманидан «Хумо», 3-ўринни Мирзаобод туманидан «Ёш посбонлар» жамоалари қўлга киритди.

Ғолибларга ташкилотчиларнинг диплом ва эсдалик совғалари топширилди.

Элёр ЖҲРАЕВ

«Шунқорлар» ҳарбий-спорт мусобақасининг Самарқанд шаҳар босқичида ўн олтита касб-хунар коллежи жамоалари ўзаро беллашди.

2 ТА ЖАМОА ҒОЛИБ

Мусобақага Самарқанд ҳарбий қурилиш йўналишидаги академик лицей мезбонлик қилди. Икки кун давомида иштирокчилар узоққа югуриш, савол-жавоб каби шартлар бўйича билим ва маҳоратини намойиш этишди.

Ҳакамлар ҳайъати нақ иккита — Самарқанд қишлоқ хўжалик коллежининг «Хумо» ҳамда Самарқанд молия коллежининг «Шунқорлар» жамоаларини ғолиб деб топди. Самарқанд темир йўл транспорт коллежининг «Ёш темирйўлчилар» жамоасига 2-ўрин насиб этди. Самарқанд гидрометеорология коллежининг «Ватанпарвар» жамоаси 3-ўрин билан чекланди.

Сардор ЙЎЛДОШЕВ

■ 2014 yil — Sogʻlom bola yili ■

БАРКАМОЛ АВЛОД — ЖАМИЯТ БОЙЛИГИ

Хар бир инсон фарзанди ўзидан кўра яхшироқ, фаровонроқ яшашни истайди ва бунинг учун муносиб ҳаёт шароитларини яратишга интилади. Президентимиз Ислам Каримов раҳнамолигида соғлом ва баркамол авлодни вояга етказиш масаласига устувор вазифа сифатида қаралмоқда.

ЎЗА мухбири Ўзбекистон Республикаси Халқ таълими вазирлиги таълим муассасалари фаолиятини ташкил этиш бош бошқармаси бошлиги Файзулла АҲМЕДОВ билан мамлакатимиз таълим тизимида амалга оширилаётган ислохотлар самаралари ҳақида суҳбатлашди.

— Истиклолнинг дастлабки йилларидан Президентимиз раҳнамолигида таълим-тарбия соҳаси, кадрлар тайёрлаш масаласи ҳамда ёшларимиз маънавиятини юксалтириш, янги ижтимоий онгни шакллантириш госяи устувор йўналишлардан бири этиб белгиланган, — дейди Ф.Аҳмедов. — Таълим-тарбия, кадрлар тайёрлаш соҳасини мутлақо янги асосда ташкил этиш мақсадида «Таълим тўғрисида»ги қонун ва Кадрлар тайёрлаш миллий дастури қабул қилинди. Мактабгача таълим, умумий ўрта таълим, ўрта махсус, касб-хунар таълими, олий таълим, олий ўқув юртдан кейинги таълим, кадрлар малакасини ошириш ва уларни қайта тайёрлаш, мактабдан ташқари таълимдан иборат узлуксиз таълим тизими жорий этилди.

Мамлакатимиз тараққиётига дахлдор долзарб масалаларни ўзида қамраган, дунёда ноёб саналган таълимнинг миллий моделини ҳаётга татбиқ этиш мақсадида қабул қилинган бир қатор давлат дастурлари ижроси натижасида эришилган ютуқлар бугун нафақат халқимиз томонидан, балки халқаро миқёсда ҳам эътироф этилмоқда.

— Таълим тизимида амалга оширилган ислохотлар аввало нималарда кўзга ташланади?

— Бугун юртимизнинг ҳар бир шаҳару қишлоғида замонавий лойиҳалар асосида бунёд этилган таълим муассасалари, том маънода, маънавият ва маърифат масканларига айланмоқда. Уларда яратилган кенг имкониятлар, замонавий ўқув воситалари, ахборот-коммуникация технологиялари фарзандларимизнинг илм-фан ютуқларини ўзлаштириши, маънан ҳамда жисмонан баркамол бўлиб улғайишига хизмат қилмоқда. Юртимизда 9+3 тамойили асосида 12 йиллик умумий мажбурий бепул таъ-

лим тизими жорий этилган.

Мактаб таълимини ривожлантириш давлат умуммиллий дастури асосида 8501 мактабда қурилиш-таъмирлаш ишлари амалга оширилди. 351 янги мактаб қурилган бўлса, 2470 таси реконструкция қилинди, 3608 мактаб капитал таъмирланди ва 2072 таси жорий таъмирдан чиқарилди.

Қайта тиклаш ишлари амалга оширилган мактабларнинг 81 фоизи қишлоқларда, 3 фоизи бориш қийин бўлган ҳудудларда жойлашган бўлиб, бу билан шаҳар ва қишлоқ мактаблари орасидаги тафовут бар-тараф этилмоқда.

Гарчи давлат дастурида белгиланган барча вазифалар ўз вақтида ва ортиги билан бажарилган бўлса-да, мамлакатимизда умумтаълим мактаблари қурилиши билан боғлиқ ишлар изчил давом эттирилмоқда. Бунинг натижасида 2011-2013 йилларда 428 янги мактаб биноси қурилди, 3006 мактаб биноси ва муҳандислик-коммуникация инфратузилмаси мукамал реконструкция қилинди, 4083 мактабнинг бино ва иншоотлари мукамал таъмирдан чиқарилди. Ушбу мақсадлар учун жами 2 триллион 129 миллиард сўм маблағ сарфланди.

Қурилиш-таъмирлаш ишлари амалга оширилган ҳар бир таълим муассасасининг замонавий ўқув-лаборатория ускуналари, компьютер техникаси, янги авлод дарсликлари ва ўқув-услубий материаллар билан таъминланишига алоҳида эътибор қаратилди. Масалан, 2004 йилда 14 фоиз мактаб компьютер билан таъминланган бўлса, бугунги кунда энг сўнгги русумдаги компьютерлар билан жиҳозланган мактаблар 9656 тани ташкил этади.

Барча ўқув фанлари бўйича электрон ўқув воситаларининг яратилиши мазкур фанларни ўқитишда ахборот-коммуникация техноло-

гияларидан фойдаланиш имкониятини кенгайтиради ва ўқувчиларнинг мазкур фанларни чуқур ўзлаштириши самарадорлигини оширади. Умумтаълим мактаблари учун давлат таълим стандартларига мувофиқ юқори самарали мультимедиа иловалари ҳамда электрон ўқув адабиётлари ва қўлланмаларни яратиш дастури доирасида ўқув фанлари бўйича 119 номдаги мультимедиа дастурий воситалари яратилиб, таълим жараёнига муваффақиятли татбиқ этилмоқда.

Халқ таълими вазирлиги ҳузурида Мультимедиа умумтаълим дастурларини ривожлантириш маркази ташкил этилган бўлиб, бугунги кунга қадар марказ томонидан 120 дан ортиқ электрон дарслик, виртуал лаборатория ишлари ва бошқа турли мультимедиа ресурслар яратилиб, ўқув-тарбия жараёнида муваффақиятли қўлланилаётир.

Таъкидлаш жоизки, 1991 йилда мактаб ўқувчиларининг дарсликлар билан таъминланиши 55,4 фоизни ташкил этган. Бу кўрсаткич 2014 йилга келиб 99,4 фоизга етди. 2004-2014 йиллар давомида жами 195 миллион 966 мингдан зиёд нусхада дарслик чоп этилиб, ижара тизими орқали ўқувчиларга етказиб берилди. Шундан муайян қисм дарсликлар давлат ҳисобидан кам таъминланган оила фарзандлари учун бепул ажратилди. Биринчи синф ўқувчиларига ҳар йили 12 хил ўқув қуроллари билан бирга барча дарсликлар Президент совғаси сифатида тақдим этилади.

— Истиклол фарзандлари — бугунги мактаб ўқувчилари дунёқараши, маънавий оламида юз бераётган ўзгаришлар, истеъдодли ўғил-қизларимиз эришаётган муваффақиятлар тўғрисида ҳам сўзлаб берсангиз.

— Замонавий таълимни ҳар томонлама қулай бино ва иншоотлар, ўқув ва амалий машғулот қуроллари, лаборатория ускуналари, компьютер техникасисиз тасаввур этиб бўлмайди. Бироқ булар соҳа ривожининг бир жиҳати, холос.

Мустақиллик йилларида мамлакатимизда таълим-тарбиянинг мазмун-моҳияти тубдан ўзгарди. Фарзандларимиз халқимизнинг асрлар давомида эъзозлаб келган ўлмас қадриятларини қалбига чуқур сингдириши баробарида, дунёнинг энг илғор фикри билан танишиш, уни таҳлил этиш ва ўз қарашини эмин-эркин шакллантириш имкониятига эришди. Бу

ёшларимизнинг тафаккури озод бўлди, унинг уфқлари кенгайди деганидир.

Таълимнинг узвийлигини таъминлаш юзасидан олиб борилган улкан ишлар ўзининг амалий натижаларини бера бошлади. Юртимизнинг истеъдодли ўқувчи-ёшлари халқаро миқёсда ўтказилаётган нуфузли фан олимпиадалари, кўрик-танловлар, фестивалларда юқори натижаларни қўлга киритаётгани Юртбошимизнинг «Фарзандларимиз биздан кўра билимли, кучли, доно ва, албатта, бахтли бўлишлари шарт!» деган эзгу госяи ҳаётда ўз исботини топаётганига ёрқин далилдир.

Иқтидорли фарзандларимиз халқаро фан олимпиадаларида 20 олтин, 49 кумуш, 88 бронза — жами 157 медални қўлга киритди. 2008 йили Тошкент шаҳрида ўтказилган кимё фани бўйича 42-халқаро Менделеев олимпиадасида иштирок этган 15 нафар ёшларимиз юқори натижа кўрсатиб, 1 олтин, 1 кумуш ва 11 бронза — жами 13 медални қўлга киритгани барчамизни ғурурлантирди. 2013 йилда юртимизда ўтган 47-халқаро Менделеев олимпиадасида ёшларимиз умумжамоа ҳисобида биринчи ўринни эгаллади.

Президентимизнинг 2008 йил 8 июлдаги «Болалар мусиқа ва санъат мактабларининг моддий-техник базасини мустаҳкамлаш ва уларнинг фаолиятини янада яхшилаш бўйича 2009-2014 йилларга мўлжалланган Давлат дастури тўғрисида»ги қарори мазкур тизим ривожланишида муҳим аҳамиятга эга бўлди.

Амалга оширилган ислохотлар самарасида болалар мусиқа ва санъат мактабларининг моддий-техник базаси тубдан янгиланди. Мазкур муассасаларга ўқувчи-ёшларни қамраб олиш кўрсаткичлари ошди, бугунги кунда 52 минг нафарга яқин ёшлар мусиқа ва санъат сирларини ўрганмоқда. Натижа ҳам шунга яраша салмоқли. Мусиқа ва санъат таълим муассасаларида таҳсил олаётган ўқувчиларимиз дунёнинг кўплаб давлатларидаги нуфузли танловларда иштирок этиб, юқори ўринларни қўлга киритаётгани бунинг амалдаги тасдиғидир.

Ҳозирги кунда халқ таълими тизимида 298 болалар мусиқа ва санъат мактаби ҳамда 3 ихтисослаштирилган мусиқа академик лицейи фаолият кўрсатмоқда. 2009-2013 йилларда 230 янги болалар мусиқа ва санъат таълим муассасаси қурилиб, фойдаланишга топширилди.

Улар замонавий ва миллий мусиқа чолғулари, мебель ва ускуналар билан тўлиқ таъминланди.

Давлат дастури асосида мусиқа ва санъат таълимига берилаётган юксак эътибор, яратилаётган замонавий шарт-шароитлар натижасида ўқувчиларнинг халқаро танловларда қўлга киритаётган ютуқлари ҳамда ушбу танловларнинг географияси кенгайди. 2008-2013 йилларда 350 нафар истеъдодли ўғил-қиз Франция, Италия, Германия, Буюк Британия, Руминия, Голландия, Польша, Россия, Озарбайжон каби давлатларда ўтказилган турли нуфузли халқаро танловларда иштирок этиб, юксак натижаларга эришди.

— Президентимизнинг 2012 йил 10 декабрдаги «Чет тилларни ўрганиш тизимини янада такомиллаштириш чора-тадбирлари тўғрисида»ги қарори ижроси доирасида амалга оширилаётган ишлар ҳақида ҳам қисқача тўхталиб ўтсангиз.

— Мазкур қарордан кўзланган асосий мақсад чет тилларни мукамал биладиган ёшларимиз сафини кенгайтириш, уларнинг халқаро майдонларда ўз салоҳиятини намоён қилиши учун барча шарт-шароитни яратишдан иборат.

Ушбу ҳужжат мамлакатимизда замонавий педагогик ва ахборот-коммуникация технологияларидан фойдаланган ҳолда ўқитишнинг илғор услубларини жорий этиш йўли билан ўсиб келаётган ёш авлодни чет тилларга ўқитиш, хорижий тилларни пухта биладиган мутахассисларни тайёрлаш тизимини тубдан такомиллаштириш, соҳада халқаро ҳамкорлик ва мулоқотни ривожлантириш учун қулай имкониятлар яратмоқда.

Қарор асосида 1-синф ўқувчиларига ҳафтасига икки соатдан чет тили фани ўқитилмоқда. Янги давлат таълим стандартлари ва ўқув дастурлари асосида 1-синфлар учун инглиз, немис ва француз тилларидан дарсликлар яратилди.

Таълим тизимини янги сифат босқичига кўтариш олдимиздаги энг устувор вазифадир. Жумладан, 2013-2014 ўқув йилидан жорий қилинган чет тилини ўқитиш тизимини қарорда кўзда тутилган даражада ташкил этиш, мактабга қадам қўйган 500 минг нафардан ортиқ ўғил-қиз орқали уларнинг оиласига кириб бориш, мактабгача, умумтаълим ва мактабдан ташқари таълим тизимида чет тилини ўқитишни такомиллаштиришга эришиш лозим. Шу билан бирга, ёш, малакали мутахассислар ҳисобига мавжуд этиёжни қоплаш, чет тили фани ўқитувчилари меҳнатини рағбатлантириш ва уларни ҳар томонлама қўллаб-қувватлаш долзарб масалалардандир.

ЎЗА мухбири Абдужалол ТАЙПАТОВ суҳбатлашди.

«Barkamol avlod — 2014»

МЕҲМОН ХУШНУД БЎЛАДИ

Бу йил Наманган вилоятида академик лицей ва касб-ҳунар коллежлари спорт-севар ўқувчиларининг сеvimли мусобақаси — «Barkamol avlod — 2014» спорт ўйинларининг республика финал босқичи бўлиб ўтади.

Ёш спорт мухлислари уни қандай ҳаяжон билан кутаётган бўлса, мазкур спорт ўйинларининг ҳаммага манзур, қизиқарли ўтиши учун меҳнат қилаётган ёшларнинг кайфияти ҳам уларникидан кам эмас. Улар яқинда ташкил этилган «Бунёдкор — 2014» ёшлар меҳнат ҳаракати аъзоларидир.

«Barkamol avlod — 2014» спорт ўйинларининг қурилиш объектларидаги ишларда кўмаклашиш мақсадида ташкил этилган «Бунёдкор — 2014» ёшлар меҳнат гуруҳлари фаоли-

яти «Ватаним тараққиётига менинг ҳиссам» шиори остида ташкил этилди. Наманган, Андижон, Фарғона вилоятларидан жалб қилинган жами 200 нафар уюшмаган ёшлар Наманган шаҳридаги «Камолот» ёшлар боғида катта тантана билан кутиб олинди. Ёш бунёдкорлар «Пахлавон» сузиш ҳавзаси, Наманган муҳандислик технологиялар институти ошхонаси, Наманган муҳандислик педагогика институти спортзали, Наманган шаҳар 1-тиббиёт коллежи, Давлатобод ен-

гил саноат касб-ҳунар коллежи, Наманган агро-тадбиркорлик хизмат кўрсатиш коллежи ҳамда Наманган давлат университетининг талабалар тураржойларида амалга оширилаётган қурилиш ва ободонлаштириш ишларига кўмаклашмоқдалар.

— Катта спорт байрами арафасида шаҳримизда улкан бунёдкорлик ишлари амалга оширилмоқда, — дейди «Камолот» ЁИХ Наманган вилоят кенгаши раиси ўринбосари Муҳаммаджон Убайдуллаев. — Ушбу бунёдкорлик ишларига вилоятимиз маҳаллаларидаги вақтинча ишсиз юрган юз нафар ёш жалб этилди. Шунингдек, Андижон ва Фарғона вилоятларидан келган юз нафар ҳашарчи ёшлар ҳам меҳнат ҳаракати гуруҳларида ўз шижоатларини



намоиш этмоқдалар. Уларга иш жойларида ҳамда бўш вақтларини мазмунли ўтказиш учун барча шароитлар яратилган. Хусусан, ҳар куни улар учун турли маънавий-маърифий, маданий ва спорт-соғломлаштириш тадбирлари, тарғибот ишлари, таниқли адиблар, санъаткорлар ва спортчилар билан ижодий учрашувлар, концертлар, Наманган вилоятининг диққатга сазовор жойларига саёҳатлар ва бошқа маданий дастур-

ларни уюштиряпмиз.

Илк кунлардан оқ барчага ўрнак бўлаётган андижонлик Авазбек Омонбоев ҳам суҳбатимиз чоғида куйидаги фикрларни билдирди:

— Бизни биринчи кундан оқ катта тантана билан кутиб олишди. Ётоқхона ва бошқа шароитлар ҳам аъло даражада. Биз дўстларим билан қурувчи акаларимизга Наманган агро-тадбиркорлик хизмат кўрсатиш коллежи ётоқхонасининг пардозлаш ишларида кўмаклашяпмиз.

Мен бу ерда юртимизнинг янада обод бўлишига ўз ҳиссамни қўшаётганимдан хурсандман. Келгуси мавсумларда ҳам «Бунёдкор» ёшлар меҳнат ҳаракатида фаолият олиб боришни истардим.

Ёшликка хос шижоат билан бошланган ушбу лойиҳада фаол иштирок этган ёшлар мавсум якунида диплом ва қимматбаҳо эсдалик совғалар билан тақдирланадилар.

**Зулайхо
ЗАЙНИДДИНОВА**

ЎҚУВЧИНИНГ КАМОЛИ — МУАЛЛИМНИНГ ИҚБОЛИ

Ҳар куни кўча-кўйда юзлаб, минглаб одамларга кўзимиз тушади. Уларнинг орасида қандай яхши инсонлар борлигини билмаймиз. Уларнинг ҳар бирининг қалбида биттадан гавҳар яшайди, буни ўзлари биладиганлари бор, билмайдиганлари бор. Лекин биз улар ҳақида ҳаммиша яхши фикрда бўламиз: уларнинг ҳар бири биз учун бир олам.

Кўпгина танлов ва фан олимпиадалари, спорт мусобақаларини кузатганда кўпинча ўйлаб қоламан: мана шу танловда ўзининг бор иқтидорини кўрсатаётган болани, дейлик, кўчада кўриб қолсам, қанчалик билман? У қандай инсонларнинг фарзанди, кимнинг тарбиясини олмоқда, қайси фидойи муаллимнинг қўлида ўқир экан? Қайси мактабнинг ўқувчиси?

Шеробод туман халқ таълими муассасалари фаолиятини методик таъминлаш ва ташкил этиш бўлимига йўл олар эканман, олдимга битта мақсад кўйдим: тумандаги энг илғор мактаблар ҳақида маълумот оламан, уларнинг тажрибасини ўрганаман.

— Истасангиз, туманимиздаги барча мактаблар ҳақида маълумот берамиз, — деди муддаомни тинглагач, туман халқ таълими муассасалари фаолиятини методик таъминлаш ва ташкил этиш бўлими мудири ўринбосари Ботош Қиличев. — Лекин ўзингизни қийнаб нима қиласиз? Туманимиз мактаблари фаолияти

ҳақида билмоқчи экансиз, биттасидан бошлай қолинг.

Шундай дея менга Шеробод туманидаги 28-умумий ўрта таълим мактабини тавсия қилишди. Гап-гап билан бўлиб, туман марказидан анча олисда жойлашган ушбу даргоҳга борадиган бўлдим.

МАКТАБНИНГ ЎРНИ БОШҚА...

Мактаб таълимини ривожлантириш давлат умумий дастури доирасида 2005 йилда капитал реконструкция қилинган ушбу мактабда 619 нафар ўқувчи 83 нафар малакали педагог қўлида таълим-тарбия олмоқда. Уларнинг пухта билим олиши, замон билан ҳамнафас фикрлаши, дунёқарашларининг шаклланишида ўқитувчилар қўллаётган педагогик технология, методларнинг ўрни катта бўлмоқда.

— Ўқувчи оилада ота-онасидан тарбия олади, ака-опаси қилган ишни қилади, улардан ўрнак олади, лекин мактабдаги таълим-тарбиянинг ўрни бўлакча, — дейди Шеробод ту-

манидаги 28-мактаб директори Насиба Дадаева. — Шу маънода педагогик жамоамиз билан ҳаммиша бу масалага жиддий қарашга ҳаракат қиламиз. Мактабимизда устоз-шоғирдлик аънанаси яхши йўлга қўйилган, тажрибали муаллимлар ёш ўқитувчиларга ўз тажрибаларидан ўргатади. Ўз навбатида, ёши улуг устозларимиз ҳам ёшларнинг изланишларини қўллаб-қувватлайди, уларнинг янгиликларини қабул қилиб, ҳамжиҳат-ҳамкорликда меҳнат қилишяпти.

Аҳиллик, ҳамжиҳат, ҳамфикрлик педагогик жамоанинг ютуқларига, ўқувчиларнинг билимлар беллашуви, фан олимпиадаларидаги муваффақиятларига асос бўлаяпти.

Ўғил-қизларнинг пухта билим эгаллашлари учун барча шароит ва имкониятлар яратилган. Дарсдан бўш вақтларини мазмунли ўтказишлари учун фан тўғараклари фаолият юритмоқда. Спорт билан мунтазам шуғулланишлари учун барча спорт жиҳозлари билан таъминланган замонавий спортзал улар ихтиёрида.

КЕРАКЛИСINI ТАНЛАШАДИ

Бугунги кунда ахборот манбалари кўп, исталган пайтда радио, телевидение, интернет, матбуот нашрларидан энг сўнгги янгиликларни олиш имкони бор. Бироқ уларнинг ҳаммаси ҳаққоний, тарқатаётган хабарлари рост, ўзларини холис, деб ким айта олади?

Ilg'or maktablar

Тафаккури ривожланиш босқичидаги ўспиринларнинг ахборотга бўлган ташналигини қондиришда уларга тўғри ва холис ахборот манбаларини кўрсатиб берувчи инсонлар — оилада ота-она, мактабда ўқитувчиларнинг масъулияти жуда ҳам катта. Буни ҳис қилган Шеробод туманидаги 28-мактаб педагогик жамоаси яхши аънанани йўлга қўйган. Яъни ҳар бир дарс бошланишидан аввал узоғи билан беш дақиқа мобайнида синфларда «ахборот дақиқаси» бўлади. Унда ўқитувчилар ўқувчилар билан биргалликда энг сўнгги янгиликларни муҳокама қилишади. Ёш авлод онгига ижобий таъсир этувчи, тарбиявий аҳамиятга эга хабарлар айтилиб, уларга мулоҳаза билдирилади.

— Бу билан уларнинг замон билан ҳамнафас билим олишлари, фикрлашларига эришишни мақсад қилганмиз, — дейди ўқитувчи, 2013 йилда Шеробод туманида ўтказилган «Энг намунали синф раҳбари» танлови ғолиби Бўритош Хушиева.

МАКТАБ «ЗАКОВАТ»ЧИЛАРИ

Мактабда «Заковат» интеллектуал ўйини мунтазам ўтказиб келинади.

— Дарсларда олган билимларини ўқувчилар «Заковат» интеллектуал ўйини орқали намоён этишлари мумкин, — дейди мактабнинг маънавий-маърифий ишлар бўйича ди-

ректор ўринбосари Малика Қоражонова. — Дастлаб фақат мактабимиз ўқувчилари ўртасида ташкил этилган бўлса, ҳозир бу ўйинга қизиқиш ортиб, нафақат синфлар ўртасида, балки туманимиз мактаблари, коллежлари ўқувчи ва ўқитувчилари жамоалари ўртасида ҳам ўтказилмоқда.

ЯНГИ ЛОЙИХАЛАР

— Мактабимиз ташкил топганига олтмиш йил бўлди, — дея давом этади Малика Қоражонова. — Бу рақам биз учун катта аҳамиятга эга. Масалан, мен ўзим ҳар гал мактаб ҳовлисида кириб келаётганимда бу қутлуғ даргоҳда меҳнат қилган, юзлаб шоғирдлар етиштирган табаррук устозларимизни эсламан. Уларнинг ҳурмати учун мактабимизда «Устозлар боғи»ни ташкил этишни режалаштирганмиз. Аслида бу боғни устозларимизнинг ўзлари ташкил этишган. Масалан, мана бу арчани кўп йиллар мактабимизга директорлик қилган устоз Яҳё Қоражонов, мана бунисини эса мактабимизга ўттиз етти йил раҳбарлик қилган педагог Искандар Улашев эканлар. «Устозлар боғи»ни очик табиат қўйнидаги ўзига хос экология музейи десак ҳам бўлади. Бу ердаги дарахтлар сонини кўпайтириб, чинакам яшил худудга айлантirmoқчимиз. Бу бизнинг устозларимизга бўлган чуқур эҳтиромимиз рамзи ҳам бўлади.

Хайрли ишларга қўл ураётган, ўзлари хайрли амал билан яшаётган мактаб педагогик жамоаси ушбу экологик музейни Хотира ва қадрлаш куни муносабати билан ишга туширишни мўлжалламоқда.

**Наргиза РАҲМАТУЛЛАЕВА,
«Turkiston» мухбири**

Миссионерлик: МАҚСАД ВА МОҲИЯТ

Юртимизда турли динларга эътиқод қилувчилар ўзаро ҳамжиҳатликда яшаб келмоқда. Энг мураккаб ва оғир шароитларда ҳам диёримизда диний ёки этник низо сабабидан можаро чиқмаган. Бу ҳол, Юртбошимиз таъбири билан айтганда: «...диний маънавий тотувликнинг нодир тимсоли ва барча дин вакилларига нисбатан бағрикенгликнинг энг яхши намунаси деб ҳисобланишига арзигуликдир».

Афсуски, бундай тотувликни кўра олмаётган, динлараро турли низолар чиқаришга ҳаракат қилаётган гуруҳлар ҳам йўқ эмас. Улардан бири кейинги вақтларда кўп тилга олинаётган миссионерлардир.

Миссионерлик, умумий маънода, бир динга эътиқод қилувчи халқлар орасида бошқа динни тарғиб қилишни англатади. «Миссионер» сўзи латинча «missio» феълидан олинган бўлиб, «юбориш», «вазифа топшириш» маъносини англатади.

Мавзуга кенгроқ тўхталишдан аввал мамлакатимизда эътиқод эркинлиги, диний ташкилотлар фаолиятига оид қонуний меъёрларни эсласак.

Ўзбекистон Республикаси Конституциясида «Ҳамма учун виждон эркинлиги» қафолатланиб, «диний қарашларни мажбуран сингдиришга йўл қўйилмас»лиги қайд этилган

(31-модда). Бу эса миссионерлик ва прозелетизм ҳаракатлари Конституциямизга бутунлай зид эканини кўрсатади. Ўзбекистон Республикасининг «Виждон эркинлиги ва диний ташкилотлари тўғрисида»ги Қонунда эса: «Бир диний конфессиядаги диндорларни бошқасига киритишга қаратилган хатти-ҳаракатлар (прозелетизм), шунингдек, бошқа ҳар қандай миссионерлик фаолияти ман этилиши» таъкидланиб, «ушбу қоида-нинг бузилишига айбдор бўлган шахслар қонун ҳужжатларида белгиланган жавобгарликка тортилиши» белгилаб қўйилган (5-модда). Демак, қонунга кўра миссионерлик — жиноят!

Шунга қарамай, юртимизда айни шундай жиноятларга қўл ураётган кимсалар йўқ эмас. «Яхова шоҳидлари» деган диний ташкилотнинг фао-

лияти бунга аниқ мисол. Таъкидлаш керак, уларнинг ғайриқонуний ҳаракатларига Рус православ дини вакиллари ҳам эътироз билдиришмоқда.

Христианликда миссионерлик VI асрда пайдо бўлган. Улар гўеки маърифат тарқатадилар, тиббий ёрдам кўрсатадилар, аммо моддий босқинчилик сиёсати бўлган асосий мақсадларини яширадилар.

Ҳозирги кундаги миссионерларнинг бузғунчилик мақсади ҳам эндиликда сир эмас. Уларнинг пуч сафсаталарига учаётган содда одамлар оғоҳ бўлсинларки, уларнинг нияти сизни диндор, имони бақувват инсон қилиб тарбиялаш эмас. Чунки моддий манфаатлар йўлидаги бу сиёсий ўйинчиларнинг ўзи диндор эмас. Мақсадини юқорида айтдик: одамларни чалғитиб, эътиқод қилаётган динидан оғдириб, ўзлари югурдаклик қилаётган давлат манфаатлари таъсирини таъширишдир. Улар ўзларини меҳрибон кўрсатишади. Пулни, вақтни аяшмайди. Масалан, ўзбек тилини ўрганмоқчиман, дейиши мумкин ёки сизга инглиз тилини ўргатаман, деб бепул хизмат таклиф қилади. Моддий жиҳатдан қийналаётган бўлсангиз, дарҳол ҳомийга айланади.

Улар учун ҳар бир одам — алоҳида бойлик. Миссионерлар таълим, соғлиқни сақлаш, бепул ижтимоий ёрдам кўрсатиш соҳаларида фаол иштирок этишга ҳаракат қилади. Ўзларига нисбатан мойилликни сезгач, аста-секин сиз эътиқод қилаётган динни ёмонлаб, шубҳа уйғотишга интилишади. Ҳатто мавжуд қонуний ҳукумат фаолияти ҳақида нотўғри маълумотлар тарқатишади.

Миссионерлар ўзлари қириб борган ўлканинг аҳолиси, дини, урф-одатлари, ижтимоий муаммоларини қаттиқ ўрганадилар. Бу борада маҳсус тадқиқот марказларига эга. Улар хоҳлаган тилда ва ададда ўзларининг гоёлари сингдирилган адабиётларини чоп этиш имкониятига эга. Энг ёмони, инсон ҳуқуқлари устуворлиги тамойилидан ўз мақсадлари йўлида фойдаланишга уринишади. Масалан, қайси давлатда миссионерлик тақиқланса, гўеки у ерда «инсон ҳуқуқлари бузилаётгани» ҳақида дод солишади. Ҳолбуки, халқаро ҳуқуқ нормаларида, хусусан, «Инсон ҳуқуқлари Умумжаҳон декларацияси»да «Ҳар бир инсон фикр, виждон ва дин эркинлигига эга» дейилиши билан бирга, «бу эркинлик бошқа инсонларнинг виждон эркинли-

ги дахлсизлигига раҳна солмаслиги шарт»лиги таъкидланган.

Диний эътиқод ўта нозик масала. Диний эътиқодга нисбатан ҳар қандай тажовуз жамият учун ҳам хавфлидир. Дунёнинг айрим мамлакатларида бўлаётган урушлар замирида ҳам диний ёки этник низо ётибди аслида. Шундай экан, эътиқодга қаратилган ҳар қандай тажовузнинг олдини олиш жамиятнинг энг муҳим вазифалари сирасига қиради. Бундай хавфга қарши энг мақбул қурол маърифатдир. Зеро, жаҳолатга қарши маърифат билан курашибгина мақсадга етиш мумкин. Юртбошимиз айтганларидек: «Барчамизга аён бўлиши керакки, қаердаки бепарволик ва лоқайдлик ҳукм сурса, энг долзарб масалалар ўзибўларликка ташлаб қўйилса, ўша ерда маънавият энг ожиз ва заиф нуқтага айланади. Ва аксинча, қаерда ҳушёрлик ва жонкуярлик, юксак ақл-идрок ва тафаккур ҳукмрон бўлса, ўша ерда маънавият қудратли кучга айланади».

Абдумутал ОТАБОЕВ,
Ўзбекистон
Мусулмонлари идораси
Жиззах вилоят вакили
ўринбосари

Ma'rifat

ЎҚУВЧИНИГИЗ ҚИЗИҚИШИНИ БИЛАСИЗМИ?

Ўқувчиларимиз ўртасида ҳаётга энгил муносабатда бўладиган, дунёқараши тор ва юзаки фикрлайдиган ўсмирлар ҳам йўқ эмас. Улар хорижий давлатларда ишлаб чиқарилаётган фильмларни томоша қилиш, тугилган кунларини тантанали тарзда нишонлаш, сигарета чекиш каби ўй-фикр ва зарарли одатлар билан яшайди. Аслида эса ўсмир ҳаётининг қанчалик қизиқарли ва мазмунли ўтиши унинг ҳаракати, интилиши ва қизиқувчанлигига боғлиқ.

Ўсмирларнинг дарсдан ташқари қизиқиши — хобби мактаб давридаёқ шаклланади. Фақат бу ишга уларни тўғри йўналтириб, йўл-йўриқ ва кўрсатмалар бериб бориш лозим. Масалан, бадий ва бошқа турдаги адабиётларни харид қилиш, кўкрак нишонлари ёки почта маркалари, таклифномалар, турли хилдаги ёрлиқлар, нишонлар ва шу каби нарсаларни тўплаш мақсадга

мувофиқ. Таъкидлаш лозимки, коллекциядаги буюмлар бир-бирига ўхшамаса, муайян соҳа ёки мавзуга оид бўлса, ўсмир қизиқишини янада кучайтиради.

Бугунги кунда коллежимизда филателистлар тўғраги фаолият кўрсатмоқда. Тўгарак аъзолари бир-бирига ўхшамайдиган кўплаб почта маркалари ва шу каби-ларни тўплаб, альбом ва буклетлар тайёрлашган. Бунинг учун мамлакат-

миздаги бошқа таълим муассасалари ўқувчилари билан яқиндан алоқа ўрнатиш, хатлар ёзиш, дарсдан бўш вақтда ҳамда таътил кунларида шаҳар дўконларидан марка, ёрлиқ ва откриткалар харид қилиш зарур.

Жиззах шаҳар алоқа бўлимида муҳандис бўлиб хизмат қилган, ҳозирда меҳнат фахрийси Степан Петров турли даврларга оид ўттиздан зиёд телефон аппаратурини йиққан. Бу қизиқиш унда ўқувчилик чоғларидаёқ пайдо бўлган.

Фаллаорол туманидаги Муллабулоқ қишлоғида яшаган Абдуқодир Сангировнинг ҳозирги уйи кичик музейни эслатади. Бу ерда араб ва лотин алифбосида чоп этилган адабиётлар, газета ва журналлар таҳламли сақланмоқда.

Қўйтошлик Саидолим Пирмухамедов болалик йилларида фалаж бўлиб тўшакда ётиб қолади. Лекин у тушкунликка тушмай, кўп китоблар муголла қилди, улар ёрдамида иродасини тоблади. У хаста бўлишига қарамадан Ўзбекистон Миллий университетини сиртдан тамомлади. Унинг шахсий кутубхонасида икки мингга яқин турли адабиётлар мавжуд. Ҳозир Са-

идолим ака вафот этган бўлса-да, у тўплаган бадий китобларидан қишлоқ аҳли баҳраманд бўлиб келмоқда.

Коллежда тиббий ҳамширалик йўналиши бўйича таълим олаётган ўқувчилар ҳам кутубхона ташкил этиб, унда олти мишдан зиёд адабиёт тўплашган. Уларни кўпайтиришда ўқувчилардан Мафтуна Абдуллаева, Лола Фармонова, Сардор Мамадиёров фаоллик кўрсатмоқда.

Кундалик турмушимиз завқли, гўзал ва ранг-баранг. Биз ўқувчиларимизни қанчалик фойдали ишларга ундасак, қизиқувчанлигини ошира борсак, уларга гўзалликнинг маълум бўлмаган қирралари, сир-синоатлари намоён бўлаверади. Бола ниҳолга ўхшайди. Ниҳол тупроқдан, сувдан озуқа олиб, барабар ривожланади. Ўсмир ҳам атрофдаги гўзалликлардан баҳраманд бўлиб борса, ўз устида ишласа, дунёқараши кенгайди. Биз, педагоглар ўқувчиларимизни фойдали машғулотларга жалб қилсак, бурчимизни адо этган бўламиз.

Бахтинисо
НОМОЗОВА,
Фаллаорол тиббий
коллежи ўқитувчиси

Tengdosh minbari

Бугун бот-бот гапирилаётган, ниҳоят мунозараларга сабаб бўлаётган ҳодисалардан бири — глобаллашувдир. Чунки ҳеч бир давлат, ҳеч бир инсон глобаллашувни четлаб ўтаётгани йўқ, гўеки ҳамма глобал «қишлоқ»да яшайпти, яъни бутун Ер шарини бир хил ахборотлар ҳавосидан нафас олаётти.

ТАНГАНИНГ УЧИНЧИ ТАРАФИ

Танганинг икки тарафи бўлади, дейишади. Бир қараганда, шундайга ўхшайди. Бироқ синчков одамнинг учинчи томонига ҳам эътибор қаратади. Бошқалар бўлса, буни назардан қочиради. Ваҳоланки, ҳозирда инсон онги, тафаккурига ҳужум ўша, танганинг учинчи тарафидан уюштирилаёттир. Бунга оддий мисол — оммавий маданиятдир.

Дастлаб биз дунёнинг турли бурчакларидан сувдек оқиб келаётган ахборотларни яхши-ёмон, дея гуруҳларга ажратдик-у, баъзан ахборотлар илдизидеги кўз илғаш қийин бўлган фикр заррачаларини тўла англай олмадик. Натижада, айрим одамлар оммавий маданият тузоғига тушиб қолди, кийиниш, ўзини тутиш, гапириш тарзи ўзгарди.

Ҳеч ким инкор этмайдиган глобаллашувнинг ижобий қирралари ҳам бор. Ушбу қирраларни фан-техниканинг оммалашуви, масофалараро мулоқотнинг кенгайишида кўришимиз мумкин. Аммо глобаллашув жараёнида баъзи «куч»ларнинг ахборот урушини келтириб чиқараётгани, глобаллашувнинг ижобий томонларига путур етказаверади.

Ҳозирда оммавий ахборот воситаларининг инсон руҳияти, дунёқарашига кучли таъсир кўрсатиши сир эмас. Бу «қурол» воситасида фарз ниятли кишилар қайсидир давлатга бормасдан, ахборот технологиялари орқали ўша юртга ўз таъсирини ўтказишга уринмоқда, халқини ўз домига тартаёттир. Бунда эса инсон маънавияти, руҳияти нишонга олинаётти. Шу боис, ҳар биримиз оғоҳ бўлмоғимиз, ахборот хуружларига маънавиятимиз, билимимиз, юксак интеллектуал салоҳиятимиз билан жавоб қайтармоғимиз керак.

Ф. МУСАЕВ,
ЎЗМУ фалсафа факультети магистранти

Bolalar sporti

ФОЛИБЛИККА ҚАДАМ

Турли соҳаларда улкан зафарларга эришган инсонларнинг ҳаёт йўлини ўрганганимизда бир нарсага амин бўламиз: машаққатлар, турли тўсиқларга қарамай, улар ҳамisha ўз мақсадлари сари интилганлар. Қолаверса, уларни ўраб турган муҳит, яқин инсонларининг қўллаб-қувватлашлари ҳам ютуқларга эришишларига ёрдам берган.

Бизнинг мактабда ҳам мохир спортчи ёки машхур санъаткор, олим бўлман, деган болалар кўп. Уларнинг ёниб турган кўзларига қараб: «Эҳ, болаларим-а, ниятларингиз бунчалар соф, ишқилиб, уларга етишингизда ҳеч қачон ортга чекиниб кўйманг-да», дегимиз келади.

Шундан кўнглимиз тўқки, бугун янги бир авлод — орзулари юксак, баланд мақсадларни кўзлаган, истиқлол фарзандлари, ватанпарвар ёшлар майдонга келмоқда. Биз меҳнат қилаётган Муборак туманидаги 2-мактабда ҳам ана шундай ўғил-қизлар таълим олаёпти. Жумладан, спортга ҳавасманд ўқувчилар ҳам талайгина. Шулардан бири 8-синф ўқувчиси Жалил Шодмоновдир. 2000 йил 29 ноябрда Муборак туманининг Жейнов қишлоғида туғилган Жалил Шодмоновнинг маънавий ҳолда,

кўплаб тенгдошлари қатори спорт билан мунтазам шуғулланиб келаётди.

Отаси Фарҳод Шодмоновнинг ҳикоя қилишича, у тўрт-беш ёшларидан спортга қизиқиб қолган. Ўғлининг ҳаракатларини кузатган Фарҳод ака уни 2008 йил Муборак туманидаги «Хваран» спорт клубига етаклаб келди. Уни таэквондонинг ВТФ йўналишига қизиқтиришди. Тиришқоқлиги, курашувчанлиги, энг муҳими, интизомлиги туфайли у кўп муваффақиятларга эришяпти.

Унинг ғалабалари 2009 йилдан бошланди. Ўша йили у Бухородаги «Мусо жаҳон» клубида ўтказилган мусобақада, 2010 йил Хоразм вилоятида ўсмирлар ўртасида ўтказилган мусобақада фахрли дипломлар билан тақдирланди.

Жалилжон халқаро мусобақаларда ҳам иштирок этади. Масалан, 2011 йил Корея Республикасида ўсмирлар ўртасида бўлиб ўтган беллашувда фахрли

ўринни қўлга киритди.

Жалилжон икки йилдан бери Қарши олимпия захиралари коллежида мураббий С. Зухриддинова қўл остида шуғулланаёпти. Шу билан бирга мактабдаги фанларни ҳам ўзлаштириб боришни қанда қилгани йўқ. У она тили, адабиёт, ҳуқуқ, география, тарих фанларига қизиқади ва яхши ўқийди.

— Жаҳон чемпионати ва Олимпиада ўйинларида голиб бўлишни истайман, — дейди Муборак туманидаги 2-мактабнинг 8-синф ўқувчиси Жалилжон Шодмонов. — Унгача эса аввало, Ватан олдидаги йигитлик бурчимни ўтамоқчиман. Шунингдек, Ўзбекистон давлат жисмоний тарбия институтида ўқиб, спортдаги назарий билимларимни ҳам оширишни мақсад қилганман.

Шуни алоҳида таъкидлашни истардикки, мактабимиз барча ўқув жиҳозлари, етарли спорт ан-



жомлари ва инвентарлари билан тўлиқ таъминланган. Иккита спортзал ёшлар ихтиёрида. Бири тумандаги ягона қизлар гимнастика зали бўлса, иккинчиси умумий спорт зали. Фарзандларимиз ўзлари истаган спорт тўғрақларига қатнаб, маҳоратларини ошироқда, жисмонан соғлом бўлиб вояга етмоқда. Умид қиламизки, мактабимиздан Жалилжон Шодмонов каби иқтидорли ўқувчилар ҳали кўп етишиб чиқади.

Ҳазрат ЭЛЕВ,
Муборак туманидаги
2-мактаб директори.
Гулсанам ҚУРБОНОВА,
ўқув ишлари бўйича
директор ўринбосари.

Tadbirkor — yurt tayanchi

Интилганга толе ёр!

Юртимизда тadbirkorларга қулай шароит, инвестицион муҳит ва имкониятлар яратилгани сабаб тadbirkorлик кундан-кунга ривож топмоқда. Шундай қулайликлардан фойдаланиб, мана бир неча йилдирки, тadbirkorлик билан шуғулланиб келмоқдамиз.

Ишлаб чиқариш соҳасида ўзимизни синаб кўриш ниятида 2009 йилда кредит эвазига тош саралаш цехини ишга туширдик. Сўнгра «Қурувчи-Шеробод-Стандарт» ихтисослашган қурилиш-таъмирлаш хусусий корхонасини ташкил қилдик. Аҳолини ҳамда қурилиш ташкилотларини сараланган кум

ва тош маҳсулотлари билан таъминлай бошладик. Сифатли ва ҳалол ишласанг, тез таниларкансан, харидорлар, мижозлар кундан-кунга кўпайди. Ҳар ким ўз касби ва соҳасидан келиб чиққан ҳолда юртимиз рағнақига ҳисса қўшгани каби, биз ҳам юртимизда олиб борилаётган улкан бунёдкорлик

ишларида ўз ҳиссамизни қўшишга ҳаракат қилдик. Утган йили кредит эвазига янги ускуналар билан цехимизни кенгайтирдик, олтита иш ўрни яратдик. Ишчиларимиз яшаш ва ишдаги шароити диққат марказимизда.

Ниятни вақтида мақсадга айланттирдик, имкониятлардан оқилона фойдаландик. Интилганга толе ёр экан. Келгусида қурилиш цехимизни янада кенгайтириш ниятидамиз. Ҳамиша юртимиз ривожига ҳисса қўшишга ҳаракат қиламиз.

Эркин САЛОҲИДДИНОВ,
«Қурувчи-Шеробод-Стандарт»
корхонаси раҳбари

АМИР ТЕМУР —
ГУРУРИМИЗ

Буюк Соҳибқирон Амир Темур тарихда халқни жиқлаштиришга доир сиёсати, миллий давлатчиликни ривожлантиришдаги тутган йўли ҳамда дунё маданияти ва маънавиятига қўшган беқиёс ҳиссаси билан ёрқин из қолдирди.

Амир Темур даври ва бу буюк тарихий шахс маънавий меросини ўрганиш ҳамда миллий гуруримизни оширишдаги ўрнини ёшлар онгига

сингдириш мақсадида Навоий кончиликларида Соҳибқирон бобомиз таваллудининг 678 йиллигига бағишлаб Навоий шаҳридаги ҳарбий

қисм билан ҳамкорликда «Амир Темур — гуруримиз, фахримиз» мавзuida тadbир ўтказилди.

— Амир Темур ўз давлатини ақл-заковат ва ҳуқуқий асос билан идора этган. У шундай қудратли давлат қурдики, ундан бетакрор маънавий мерос, обида ва ёдгорликлар қолди. Унинг маънавий мероси нафақат ўз даври, балки келгуси ав-

лодлар учун ҳам катта аҳамият касб этади, — дейди коллеж директори Улуғбек Сатторов.

Адабий кечада ўқувчилар Амир Темур ўғитларидан намуналар, сахна кўринишларини намойиш этишди. Аскарлар ижросидаги бадиий композиция йиғилганларга кўтаринки руҳ бағишлади.

Тadbир сўнгида ҳарбий қисм аскарлари муассаса музейи билан танишишди.

Роҳила НОРМАТОВА,
Навоий кончиликлари
коллежи АРМ раҳбари

Фойдали
қурилма кашф
қилинди

Хитойлик талаба Сян Ренкай компьютер қаршисида қаддини тик тутиш учун мўлжалланган гажетни ишлаб чиқарди.

Статистикадан маълумки, инсон уйғоқлигидаги умрининг кўп қисмини ўтирган ҳолда ўтказади. Бироқ бу пайтда кўпчилик қаддини тўғри тутмаслиги оқибатида, елка ва бўйин оғриғидан азият чекади. Эндиликда, бу ҳолат учун «Giraffe Friend» қурилмаси бош қотиради. Аниқроғи, кийим ёқасига ўрнатилган гажет фойдаланувчи қоматининг ҳолати ҳақида телефонга (ҳозирча фақат «iPhone» моделлари) маълумот узатади. Агар ҳолат кўнгилдагидек бўлмаса, гажет телефонга сигнал юбориш билан бир вақтининг ўзида қимирлай бошлайди. 159 юан дея баҳоланган гажетнинг қуввати юз сотатга етади.

Кўнгилисизлик

Нигерия пойтахтидаги автовокзалда содир бўлган икки теракт натижасида 71 киши ҳалок бўлди, 124 киши жароҳатланди.

Маълум бўлишича, портлашлар натижасида 40 та автобусга зарар етган. Шунингдек, ҳалок бўлганлар сони ошиши ҳам мумкин. Мамлакат президенти Гудлак Жонатан ўз баёнотида амалга оширилаётган хунрезликларга қарши кескин курашишга ваъда берган.

Бир қадам ортга

«Nokia» компанияси тугмачали (сенсор эмас) телефон ишлаб чиқарганини маълум қилди.

Сенсор бўлмаган телефонлар ичида энг каттасига айланган «Nokia 225» модели 2,8 дюймли каттагина дисплей ва 100 грамм оғирликка эга. Телефонда FM радиоприёмник, «Bluetooth» ва икки мегапиксел камера мавжуд. Унинг икки сим картага мўлжаллангани ҳам тез орада сотувга чиқиши маълум қилинди. Қирқ еврога баҳоланган телефон қизил, яшил, сариқ, қора ва оқ рангли корпусларда ишлаб чиқарилади.

Ҳимоячи тўти

Лондонда тўтиқуш ўз бекасини жиноятчидан қутқариб қолди. Аниқроғи, хиёбонда сайр қилиб юрган аёлга ўғри хужум қилади.

Ўғри аёлнинг сумкасини тортқилай бошлаганда тўтиқуш ўғрига ёпишиб, уни чўқмоқчи бўлади. Қўрқиб кетган ўғри шу заҳотиёқ воқеа жойидан қочишга қолади. Полициянинг хабарига кўра, хиёбонда ўғирликлар тез-тез кузатилади. Бироқ тўтиқуш ўғрини ҳайдагани мамлакат тарихида биринчи бор кузатилди.

Интернет манбалари асосида
Жавоҳир ҚАРМАТОВ тайёрлади

Yoshlarga oid davlat siyosati — amalda



ЎзА фотомухбири Сирож АСЛОНОВ олган сурат

ИСТИҚЛОЛ ҒУНЧАЛАРИ

Навоий шаҳрида «Истиқлол ғунчалари» анъанавий болалар ижодиёти фестивали бўлиб ўтди.

Тадбирда ўсиб келаётган ёш авлоднинг ҳеч кимдан кам бўлмаган замонавий шароитларда билим олиши учун барча шароитларни яратиш, буш вақтини мазмунли ташкил этиш, уларни тўғарак машғулотларига кенг жалб қилиш Президентимиз Ислам Каримов раҳнамолигида амалга оширилаётган давлат сиёсатининг устувор йўналишларидан экани таъкидланди.

Ўзбекистон Республикаси Вазирлар Маҳкамасининг 2011 йил 28 февралдаги «Мақтадан ташқари таълим тизимини янада такомиллаштириш

чора-тадбирлари тўғрисида»ги қарори ижроси доирасида ўтказилган фестивалда ёшлар томонидан яратилган маҳсулотлар кўргазма-ярмаркаси ташкил этилди. Унда бой миллий маданиятимизни ёрқин акс эттирувчи 40 мингга яқин ижод намуналари намойиш қилинди.

— Мақтадан ташқари таълим тизимига илғор педагогик услуб ва замонавий ахборот-коммуникация технологиялари ҳамда ўқитишнинг янги шакллари жорий этишга алоҳида эътибор қаратилмоқда, — дейди Навоий вилояти халқ таълими

бошқармаси ахборот хизмати раҳбари Абдуҳолиқ Жўраев. — Вилоятда фаолият юритаётган 11 «Баркамол авлод» болалар марказларида зарур шарт-шароитлар яратилган. Ушбу марказлардаги 158 тўғаракда 6 ёшдан 16 ёшгача бўлган 3 минг 550 нафардан зиёд ёшлар турли йўналишларда касб-хунар ўрганаётди.

— Фестивалда миллий ҳайкалтарошлик йўналиши бўйича иштирок этдим, — дейди Навоий шаҳридаги 6-умумтаълим мактаби ўқувчиси Аваз Элбоев. — Бундай фестиваллар биз, ёшларнинг ўз

иқтидор ва салоҳиятимизни янада юксалтиришда муҳим аҳамият касб этади.

Тадбир шаҳардаги «Амфитеатр» мажмуасида ташкил этилган катта концерт дастури билан якунланди. Миллий анъана ва кадрларимизни ёрқин ва теран акс эттириш борасида ташаббус кўрсатиб келаётган тўғараклар, ижодиёт марказлари ҳамда уларнинг тарбияланувчиларига бир қатор номинациялар бўйича диплом ва эсдалик совғалари топширилди.

Н.РАҲИМОВ,
ЎзА мухбири

Sport

Юрtdошимиз зафару

Болгария пойтахти Софияда бокс бўйича ёшлар ўртасида бўлиб ўтаётган жаҳон чемпионатида юрtdошимиз Сулаймон Латипов (49 килограммгача) дастлабки жангида ғалаба қозонди. У туркменистонлик Байрамхон Пермановни йирик ҳисобда мағлуб этди. Энди Сулаймон мусобақанинг 19 апрель куни 1/16 финалида аргентиналик Николас Алфонсо билан куч синашади.

Иқтидорли спортчимиз — ғолиб

Хитойнинг Нанкин шаҳрида ўтказилаётган Осиё чемпионатида гимнастика бўйича Ўзбекистон ёшлар терма жамоаси вакили Турдихон Исломова ғолиб бўлди.

Ҳамюртимиз 14,075 балл тўплаб, рақиби хитойлик Чанг Ким (13,950) ва япониялик Юка Момиама (13,900)ни орtdа қолдирди. Шунингдек, иқтидорли спортчимиз мусобақа давомида брусда машқ қилишда ҳам бронза медални қўлга киритди.

Иродали спортчилар

Пойтахтимизда жисмоний имконияти чекланган саксон нафардан орtdиқ ёшлар ўртасида сузиш бўйича Ўзбекистон чемпионати бўлиб ўтди.

Ўғил болалар ўртасида пойтахтлик Умид Абдухалилов турли масофага сузишда бир йўла учта олтин ва битта кумуш медални, Юрий Терешин иккита олтин медални, Сардор Холиқов ҳамда қашқадарёлик Фаррух Ражабов биттадан олтин медални қўлга киритиб чемпион бўлди. Қизлар ўртасида тошкентлик Екатерина Юдинок уч бор шохсуланинг энг юқори поғонасига кўтарилган бўлса, Албина Ҳидоятлова ҳам битта олтин медалга сазовор бўлди.

Жавоҳир КАРОМАТОВ,
«Turkiston» мухбири

«TURKISTON» САВОЛ БЕРАДИ»

Медиа лойиҳамиз давом этади. Лойиҳа доирасидаги учинчи учрашув **2014 йилнинг 17 апрель** куни «Камолот» ЁИХ Жиззах вилояти кенгаши раиси **Азамат Дархонов** билан бўлиб ўтади. Сўхбатдошимиз ҳақидаги маълумотларни www.kamolot.uz сайтида ўқишингиз мумкин.

Савол ва таклифларингизни savol@turkiston.uz электрон манзили ёки **(+9 9871) 233-79-69** телефон рақами орқали кутиб қоламиз.

Энг қизиқарли савол ва таклиф муаллифларини совғалар кутмоқда. Шошилинг, вақт оз қолди.

ЗУККО МУХЛИСГА САВОЛ:

Француз тилидан олинган бу сўзнинг маъноси «едириб-ичириб тетик қилувчи, қувват берувчи», деганидир. Бироқ бугунги кунда унинг маъноси анча кенгайиб, халқ тилидаги фаол сўзлардан бирига айланган.

Замонавий тўй-маърака, байрамларда у муҳим объект вазифасини ўтапти. Айтингни, бу қандай сўз?

Жавобингизни **18 апрель** соат **16.00** га қадар **233-79-69, 233-95-97** рақамларига кўнғироқ қилиб беришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: **Муқимий**. Тўғри жавобни биринчи бўлиб Жиззах вилояти Бахмал туманидан Жўмард Аҳбўтаев йўллади.

YON DAFTARCHANGIZGA

Ҳаракатсизликда бахт йўқ.

Фёдор Достоевский

«ИНТЕЛЛЕКТУАЛ ФУТБОЛ»

15-савол:
Жаҳон чемпионати финалида «хет-трик»ка эришган футболчини айтинг.

Фазо, коинот	Юз, башара, турк	Бирок, лекин	Япония пойтахти	Бадан, вужуд	Сарой маркази	Жим, гапирма	Ойнали ром	Сигарет таркибиди модда	«Ташқари» акси
Ўлғиз ... ўрмон бўлмас	Тинтув учун руҳсатнома	Бозор қатори	Серсоя дарраҳ	Дуккакли усимлик	Баҳс, тортишув	Тропик қовун	Патир, гижда	Нил ва ...	Сен (шевада)
Ишчи, хизматчи	Шовшув, доврўқ					Табиий буюқ моддаси			

Тузувчи: Фахриддин Раҳимов

МУАССИС:

«КАМОЛОТ»
ЁШЛАР ИЖТИМОЙ ҲАРАКАТИ
МАРКАЗИЙ КЕНГАШИ

Газета Ўзбекистон Республикаси Матбуот ва ахборот агентлигида 2007 йил 19 апрелда № 0242 рақам билан рўйхатдан ўтган.

ISSN 2010-6998



9 772010 699000

Бош муҳаррир:

Ашуров Салим Тўраевич

Тахрир ҳайъати:

Баҳодир Фаниев, Меҳриддин Шуқуров (бош муҳаррир ўринбосари — «Turkiston»), Элмурод Нишонов (масъул котиб — «Turkiston»), Ирина Кочергина (бош муҳаррир ўринбосари — «Молодёжь Узбекистана»), Елена Калинина (масъул котиб — «Молодёжь Узбекистана»), Рустам Қосимов

Навбатчи муҳаррир:

Худойбердиева
Дилбар
Эркиновна

Саҳифаловчи:

Рўзиев
Зафар
Хусанович

Газета тахририят компьютер марказида терилди ва саҳифаланди.

Тахририят манзили: 100029, Тошкент, Матбуотчилар кўчаси, 32.
Телефонлар:
(371) 233-95-97. (371) 233-79-69
e-mail: info@turkiston.uz

«Шарқ» нашриёт-матбаа акциядорлик компанияси босмахонасида, А-3 форматда чоп этилди. Ҳажми — 2 босма табок.
Корхона манзили: «Буёқ Турон» кўчаси, 41.

Индекслар: **203, 3203**
Баҳоси келишилган нархда.

Буюртма **Г-457**.
Адади — **12154**

Босишга топшириш вақти — 21.00
Топширилди — 22.40
ЎзА якуни — 21.55

Офсет усулида босилган.

1 2 3 4 5